

ՀԱՄԱՌՈՑ ԳԻՏԱԿԱՆ, ՀԱՂՈՐԴՈՒՄՆԵՐ

Գ. Ս. ԱՄԱՏՅԱՆ

ԽԱՅԻՈՆԱԼ ՊՍԻՈԹԵՐԱՊԻԱՅՈՎ ԱԼԿՈՀՈԼԻԿՆԵՐԻ ԲՈՒԺՈՒՄԸ
ԱՄԲՈՒԼԱՏՈՐ ՊԱՅՄԱՆՆԵՐՈՒՄ

Ռացիոնալ պսիխոթերապիայով ալկոհոլիկների ամբուլատոր բուժումը մի նոր մեթոդ է, որը մշակվել է սովետական հոգեբույժների կողմից և օգտագործվում է հաջող կերպով:

Սովորաբար այս մեթոդը կիրառվում է մյուս միջոցների զուգակցությամբ և երբեմն էլ առանձին:

Մեր պրակտիկայում այս մեթոդի կիրառումը տվել է միանգամայն դուրսնացրել արդյունք, և մենք այն լայնորեն օգտագործում ենք համարյա բոլոր հիվանդների նկատմամբ:

Ռացիոնալ պսիխոթերապիայի էությունը բժշկի և հիվանդի միջև տեղի ունեցող անկեղծ, մտերմական դրույցն է: Հաջող արդյունքի հասնելու համար մեծ նշանակություն ունեն ներշնչման միջոցով բժշկի ձեռք բերած վստահությունը և հիվանդի հավատը կիրառվող միջոցների նկատմամբ: Մենք, հիվանդների անամնեզը հալածելիս ուշադիր կերպով որոնում ենք հիվանդության առաջացման պատճառներն ու մեխանիզմը, ժանտեմանում հիվանդների բնավորության առանձնահատկություններին, ասլրելակերպին և շրջապատի պայմաններին: Միաժամանակ ուշադրություն դարձնում ենք նրանց զանգատները և լավատեսություն ներշնչում: Աշխատում ենք համոզել անմիջապես թողնել խմիչքը, նշելով որ, բացի օգուտից, որևէ անպատեհություն չի կարող առաջանալ: Աշխատում ենք մոբիլիզացնել հիվանդների պիտակցությունն ու կամքը, ներշնչելով նրանց, որ հիվանդությունը հաղթահարելի է, պետք է միայն լսել բժշկին և կատարել նրա բոլոր խորհուրդներն ու նշանակումները:

Հերթական դրույցների ընթացքում բացատրում ենք, որ ալկոհոլիզմը անցյալի վնասակար մնացուկ է և ծագում է կենցաղավիճ վատ սովորություններից, որոնց համար սովետական հասարակարգում չկան հիմքեր, որտեղ բոլոր քաղաքացիներն ապահովված են աշխատանքով ու կուլտուրական վաճառքներով, և որ սխալ է ալկոհոլիզմի մեջ հաճույք որոնելը: Մարդիկ առանց ալկոհոլի կյանքից և շրջապատից կարող են օգտակար շատ վաճառքներ ստանալ և ալլել:

Նման դրույցներն անց ենք կացնում հալածական կամ անհատական ձևով, ելնելով կոնկրետ դեպքի առանձնահատկությունից: Կիրառում ենք ռացիոնալ պսիխոթերապիայի բոլոր ձևերը՝ ներշնչական, թևադրական, համոզիչ և այլն: Յուրաքանչյուր դրույցի ընթացքում շոշափում ենք ալկոհոլիզմի մի կողմը և լուսաբանում նրա վատ հետևանքները:

Առաջին հանդիպման ընթացքում, ուշադիր ու մանրամասն քննությունից հետո, աշխատում ենք վստահություն ու հավատ ներշնչել հիվանդներին, որ չուտով բուժվելու ու ազատվելու են իրենց անհանգստացնող պատճառներից: Բացատրում ենք, որ վատ ախորժակը, ներվալին վիճակը, ընդհանուր թուլությունը և այլն խմիչքի հետևանք են, և բուժվելուց հետո դրանք բոլորն անհետանալու են, որ աշխատունակությունն ավելանալու է, արամադրությունը լավանալու, և իրենց կյանքը ավելի դուրեկան ու հաճելի է լինելու: Միաժամանակ մոռալ գուլաներով նկարագրում ենք ապագան, եթե խմիչքը շարունակեն, կանգ առնելով արկոհոլի վատ հետևանքների վրա:

Այնուհետև ցուցադրում ենք գունավոր նկարներ՝ առողջ ստամոքս, արկոհոլիկի բորբոքված ստամոքս, նորմալ սիրտ, արկոհոլիկի ճարպակալած սիրտ, նորմալ լյարդ, արկոհոլիկի բորբոքված, ցիռոզի ենթարկված լյարդ և այլն, տալով համապատասխան լրացուցիչ բացատրություններ: Ուրիշ նկարների միջոցով ցույց ենք տալիս արկոհոլի ազդեցությունը բուլսերի և կենդանիների վրա:

Երևք օր անց, հաջորդ հանդիպման ընթացքում, մարդու ֆիզիկական ու հոգեկան առողջության վրա արկոհոլի թողած ընդհանուր վատ հետևանքների վերաբերյալ կարճատև զրույց ենք անցկացնում, տալով կենդանի օրինակներ մեր անձնական փորձից:

Երրորդ հանդիպման ընթացքում խոսում ենք ժողովրդական մասնատների մեջ արկոհոլային խմիչքների նկատմամբ գոյություն ունեցող այն սխալ կարծիքների ու նախապաշարմունքների մասին, որ իբր թե արկոհոլը սնունդ է, ուժ է տալիս, ախորժակ է բացում և այլն, գիտականորեն բացատրելով դրանց սխալ լինելը:

Չորրորդ զրույցի ընթացքում խոսում ենք աշխատանքի վրա արկոհոլի բացասական ազդեցության մասին, նշելով, թե ինչպես արկոհոլիկների մոտ աշխատանքի որակն ու քանակն իջնում է, կորցնում են աշխատանքի նկատմամբ սերն ու հետաքրքրությունը, ավելանում են գործալքումները: Այս նույն հանդիպման ժամանակ խոսում ենք արկոհոլիզմի հետևանք հանդիսացող կենցաղային և աշխատանքային արկածների ու դժբախտ դեպքերի մասին:

Հաջորդ զրույցների ընթացքում խոսում ենք արկոհոլիզմի հետևանքով առաջացող հոգեկան և ներվալին խանգարումների մասին: Մեր փորձից բերում ենք կենդանի օրինակներ, թե ինչպես շատ խմելու հետևանքով մի հիվանդի ձեռքերը սաստիկ դողում էին և նա չէր կարողանում գրել, զգալը բռնել, ճաշել և այլն, և թե ինչպես բուժվելուց հետո այդ երևույթներն անցան և հիվանդը բոլորովին ապաքինվեց: Մի ուրիշը խմելու պատճառով զրկվեց իր պաշտոնից ու դիրքից և մասնակց թշվառություն, իսկ մի ուրիշ հիվանդի ընտանիքը նույն պատճառով քայքայվեց ու դժբախտացավ: Արկոհոլիզմը, ասում ենք, աչպիսով ոչ միայն արգելք է հանդիսանում առաջադիմության, այլև պատճառ է դառնում հետադիմության և անխման: Բացատրում ենք, թե ինչպես արկոհոլիզմի հետևանքով ավելանում են խուլիդանական դեպքերը, օրինախախտումներն ու հանցագործությունները:

Հաջորդ զրույցների ընթացքում օրինակներ ենք բերում մեր բուժված հիվանդներից, թե բուժվելուց առաջ ինչ վիճակում էին և բուժվելուց հետո ինչ փոփոխություններ տեղի ունեցան: Երբեմն հրավիրում ենք մեր բուժված հիվանդներին պատմելու, թե բուժումից հետո իրենց մոտ ինչ փոփոխու-

թյուններ կատարվեցին: Այդպիսի օրինակները և կենդանի խոսքը շատ տպավորիչ են լինում:

Մեր հսկողությունը ենթակա բուժված հիվանդները այս հանդիպումների ընթացքում պատմում են դեռ չբուժվող հիվանդներին, որ իրենք այժմ ավելի հանգիստ են, թե՛ տանը և թե՛ դրսում իրենց հանգիստ են պահում, որ իրենց աշխատունակությունը լավացել է, հարազատների նկատմամբ ավելի հոգատար վերաբերմունք են ցուցաբերում, հետաքրքրությունների շրջանակը լավացել է, տանը միջնուրսը խաղաղվել է և այլն:

Վերջապես, մի այլ զրույցի ընթացքում անվանի գիտնականների գործերից ակոհոլիզմի վերաբերյալ դանազան մեջբերումներ ենք անում: Այս ձևով մեր հիվանդներին աստիճանաբար ծանոթացնում ենք ակոհոլիզմի համարյա բոլոր վտանդներին:

Նման զրույցների ընթացքում առաջարկում ենք հիվանդներին հարցեր ուղղել մեզ՝ լրացուցիչ լուսաբանությունների համար: Աշխտում ենք նրանց մզել գեպի ավելի բարձր, օղնվացնող և դաստիարակիչ վախճան՝ գրական, դեղարվեստական, գիտական և այլն:

Ինչպես ասացինք, ռացիոնալ պսիխոթերապիան սովորաբար զուգակցում ենք մյուս բուժամիջոցների հետ, հատկապես սպոմորֆինային մեթոդով բուժում ստացողների նկատմամբ, որոնք ընդհանրապես երիտասարդ, ֆիզիկապես ամուր և ակոհոլիկներ են լինում: Ռացիոնալ պսիխոթերապիան, այսպիսով, որպես բուժական լրացուցիչ գործոն, շատ կարևոր դեր է խաղում ակոհոլիկների բուժման գործում:

Մեր թեթև և միջին աստիճանի ակոհոլիկներին այս մեթոդով բուժումից շատ գոհացուցիչ արդյունքներ ենք ստացել: Ուժեղ ակոհոլիկներն էլ օգտվում են ռացիոնալ պսիխոթերապիայից, թեև նվազ չափով: Այս վերջինների մոտ ռեցիդիվները, որ հաճախ պատահում են հետադաշում, նվազ ժանր են լինում: Միայն դեգրադացիայով ակոհոլիկների մոտ ռացիոնալ պսիխոթերապիան արդյունք չի տալիս, կամ էլ շատ թույլ և ժամանակավորապես կարող է մի քիչ օգնել: Ակոհոլիկների ամբողջատուր բուժման ժամանակ հարկավոր է ավելի լավ տեղ հատկացնել այս մեթոդին և կիրառել այն բժշկական արվեստի բոլոր հնարքներով: